



Bosna i Hercegovina
Federacija Bosne i Hercegovine
Kanton Sarajevo
JU Narodno pozorište Sarajevo
Obala Kulina Bana 9
tel: +387 33 445 138
e-mail: ureddirektora@nps.ba
website: www.nps.ba
UPRAVNI ODBOR
Sarajevo, 30.03.2026. godine
Broj:05-2081/26

ZAPISNIK
sa devetnaeste sjednice Upravnog odbora
JU Narodno pozorište Sarajevo
održane 30.03.2026.godine

Prisutni: Irma Efendić Adžajlić, predsjednica; Emir Nuhanović, član, Belma Čečo-Bakrač, članica (ispred ustanove), Ljubica Pihljak članica, Amila Ramović članica

Sjednici prisustvovali i: Almin Hrnjica, viši stručni saradnik za pravne poslove, Edina Gajević Dević, viši stručni saradnik za ekonomsko-računovodstvene poslove

Za sjednicu predložen i nakon primjedbe Nuhanović Emira, zamjenika predsjednice, usvojen sljedeći:

DNEVNI RED:

1. Usvajanje zapisnika sa trinaeste, petnaeste, šesnaeste, sedamnaeste i osamnaeste sjednice Upravnog odbora
2. Raspisivanje javnog konkursa za imenovanje direktora JU NPS
3. Usvajanje Izvješaja o radu i finansijskom poslovanju za 2025. godinu
4. Razmatranje Odluke o raspisivanju javnog oglasa za prijem u radni odnos za radna mjesta: član hora Opere III – 2 izvršioca i garderober II – 1 izvršilac
5. Razmatranje inicijative za izmjenu Zakona o pozorišnoj djelatnosti
6. Razmatranje Odluke o imenovanju Umjetničkog savjeta JU NPS
7. Podnesci rukovodioca Službe sigurnosti, energetike i održavanja:
 - Predmet: Deficit uposlenika u Odjelu održavanja broj: 03-1665/26 od 13.03.2026. godine
 - Predmet: Deficit uposlenika u Odjelu energetike broj: 03-1666/26 od 13.03.2026. godine
 - Predmet: Hitan zahtjev za intervenciju i utvrđivanje odgovornosti – Klub bife NPS broj: 03-1869/26 od 19.03.2026. godine
 - Predmet: Klub Narodnog pozorišta broj: 03-2021/26 od 26.03.2026. godine
8. Tekuća pitanja

Sjednicom predsjedava Irma Efendić Adžajlić, predsjednica;

Napomena: Zbog obilna materijala nastavak 19. redovne sjednice Upravnog odbora održan u srijedu, 01.04.2026. godine, sa početkom u 12:00 sati, na kojem su prisustvovali Irma Efendić Adžajlić, predsjednica; Emir Nuhanović član, Belma Čečo-Bakrač, članica (ispred ustanove), v.d.

direktor Pozorišta Ermin Sijamija i Edvin Kudo- Voditelj odjela sigurnosti, energetike i održavanja

Sjednica je nastavljena prema prethodnom dnevnom redu:

1. Usvajanje zapisnika sa trinaeste, petnaeste, šesnaeste, sedamnaeste i osamnaeste sjednice Upravnog odbora;
2. Razmatranje Odluke o imenovanju Umjetničkog savjeta JU Narodno pozorište Sarajevo;
3. Razmatranje molbi/dopisa rukovodioca Službe sigurnosti, energetike i održavanja;
4. Tekuća pitanja

1. Usvajanje zapisnika broj: 05-/26) sa trinaeste, petnaeste, šesnaeste, sedamnaeste i osamnaeste sjednice Upravnog odbora
Upravni odbor JU Narodno pozorište Sarajevo nije usvojio navedene zapisnike jer nisu sačinjeni na način koji omogućava vjerodostojan prikaz toka diskusije i procesa odlučivanja na sjednicama. Dodatno, otežavajuća okolnost je što je zaposlenik koja je radila na tim poslovima otišla u penziju, a na njenom mjestu nije bila zamjena. Iz navedenih razloga, a usljed tehničkih okolnosti, članovi Upravnog odbora su bili prinuđeni da samostalno dopunjavaju zapisnike.

2. Raspisivanje javnog konkursa za imenovanje direktora JU NPS

Vršilac dužnosti direktora, Ermin Sijamija, pozvan je na današnju sjednicu. Predsjednica je upoznala ostale članove da je opravdano odsutan, te da ju je o tome blagovremeno obavijestio. Članovi Upravnog odbora su konstatovali da je potrebno da se ubuduće svi izostanci najavljuju pismenim putem, odnosno da se službeno obrati za saglasnost u skladu sa Pravilima NPS, kako bi svi članovi bili pravovremeno obaviješteni o nemogućnosti prisustvovanja sjednici.

Za ovu tačku dnevnog reda, gđa. Efendić Adžajlić, predsjednica je istakla uzimajući u obzir protek vremena od dostavljanja izmjena i dopuna Pravila JU Narodno pozorište Sarajevo, kao i činjenicu da od Osnivača nije zaprimljen odgovor niti prethodna saglasnost, smatra se da je nastupila šutnja administracije, što se u ovom trenutku može tumačiti kao negativan odgovor. Slijedom navedenog, a imajući u vidu da do isteka mandata vršioca dužnosti postoji dovoljno vremena za provođenje konkursne procedure za izbor direktora, predloženo je da se bez daljnjeg odlaganja pristupi raspisivanju javnog konkursa u skladu sa važećim Pravilima, što u konačnici predstavlja i zakonsku obavezu Upravnog odbora.

Član Upravnog odbora, Emir Nuhanović, naglasio je da prethodni saziv Upravnog odbora nije raspisao konkurs za izbor i imenovanje direktora u zakonom propisanom roku. Članica Upravnog odbora Belma Čečo-Bakrač predložila da se dostavi sva dokumentacija vezana za procedure raspisivanja konkursa za izbor direktora za prethodna dva javna konkursa.

Prijedlog je stavljen na glasanje, te je jednoglasno usvojen. Zaključak Upravnog odbora kojim se nalaže direktoru da, uz pomoć pravne službe, dostavi dokumentaciju vezanu za procedure raspisivanja konkursa u prethodnom periodu, kako bi ista poslužila kao praksa u predstojećem postupku izbora direktora.

Nakon kraće diskusije:

Upravni odbor JU Narodno pozorište Sarajevo jednoglasno donosi Odluku

- 2.1. Raspisuje se javni konkurs za izbor i imenovanje direktora Javne ustanove Narodno pozorište Sarajevo, na mandatni period od četiri godine
- 2.2. Tekst javnog konkursa objavit će se u „Službenim novinama Federacije Bosne i Hercegovine“, dnevnim novinama Oslobođenje, na internet stranici Javne ustanove Narodno pozorište Sarajevo (www.nps.ba) i na internet stranici Ministarstva kulture i sporta Kantona Sarajevo.
- 2.3. Na internet stranicama, dnevnim novinama i u „Službenim novinama Federacije Bosne i Hercegovine“, objavit će se puni tekst javnog konkursa.
- 2.4. Javni konkurs će biti objavljen na internet stranicama u čitavom periodu roka prijave.

3. Usvajanje Izvještaja o radu i finansijskom poslovanju za 2025. godinu

Upravni odbor JU Narodno pozorište Sarajevo je utvrdio tekst Prijedloga Izvještaja o radu i finansijskom poslovanju Javne ustanove Narodno pozorište Sarajevo za 2025. godinu, u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa i organizacija („Službene novine Kantona Sarajevo“ broj: 1/23-Prečišćen tekst) i Budžeta Kantona Sarajevo za 2025. godinu. Nakon što je Izvještaj o radu i finansijskom poslovanju JU Narodno pozorište Sarajevo dopunjen informacijama o planiranim, a nerealiziranim premijerama odnosno programskim aktivnostima. Upravni odbor je konstatovao da se izvještaj odnosi na period prije imenovanja trenutnog saziva, nadalje nakon kraće diskusije Upravni odbor JU Narodno pozorište Sarajevo sa četiri glasa ZA i jedna PROTIV donosi odluku.

- 3.1. Upravni odbor JU Narodno pozorište Sarajevo utvrđuje Prijedlog Izvještaja o radu i finansijskom poslovanju Javne ustanove Narodno pozorište Sarajevo za 2025. Godinu.
- 3.2. Prijedlog Izvještaja o radu i finansijskom poslovanju Javne ustanove Narodno pozorište Sarajevo za 2025. godinu se dostavlja Ministarstvu kulture i sporta Kantona Sarajevo na dalju proceduru.

4. Razmatranje Odluke o raspisivanju javnog oglasa za prijem u radni odnos za radna mjesta: član hora Opere III – 2 izvršioca i garderober II – 1 izvršilac

Upravni odbor jednoglasno donosi Odluku:

- 4.1. o raspisivanju javnog oglasa za prijem u radni odnos na određeno vrijeme do tri godine u Javnoj ustanovi Narodno pozorište Sarajevo u OJ Opera za radno mjesto: član hora Opere III- 2 izvršioca.
- 4.2. o raspisivanju javnog oglasa za prijem u radni odnos na određeno vrijeme, do povratka radnice sa porodijskog odsustva, a najduže do jedne godine za radno mjesto: Garderober II – 1 izvršilac; sve u skladu sa Odlukom Ministarstva kulture i sporta Kantona Sarajevo o davanju saglasnosti Javnoj ustanovi Narodno pozorište Sarajevo (broj: 12/02-30-7146-1/26) od 18.03.2026. godine

5. Razmatranje inicijative za izmjenu Zakona o pozorišnoj djelatnosti

- 5.1. Predlagač: Upravni odbor Narodnog pozorišta Sarajevo
5.2. Upućuje se: Ministarstvu kulture i sporta Kantona Sarajevo i Vladi Kantona Sarajevo

I. OSNOV INICIJATIVE

Upravni odbor Narodnog pozorišta Sarajevo daje Prijedlog za pokretanje inicijative za izmjenu i dopunu Zakona o pozorišnoj djelatnosti Kantona Sarajevo, u dijelu koji reguliše zasnivanje i kontinuitet radnog odnosa umjetnika zaposlenih u javnim pozorišnim ustanovama.

Postojeća zakonska odredba kojom se propisuje obaveza polaganja audicije svakih tri godine u prvih osam godina radnog odnosa za umjetnike u stalnom angažmanu nije u potpunosti usklađena sa temeljnim principima Zakona o radu Federacije BiH, posebno u dijelu koji se odnosi na pravnu sigurnost zaposlenika, stabilnost radnog odnosa i zabranu diskriminacije po osnovu profesije.

II. PRIJEDLOG IZMJENE

Predlaže se:

1. Brisanje odredbe kojom se propisuje obaveza polaganja audicije svakih tri godine u prvih osam godina radnog odnosa za umjetnike u stalnom angažmanu.

III

2. Preformulisanje odredbe na način da se:

- audicija propisuje isključivo kao uslov za zasnivanje radnog odnosa,
- eventualna procjena umjetničke sposobnosti reguliše internim aktima ustanove kroz sistem redovne profesionalne evaluacije, u skladu sa Zakonom o radu.

III. CILJ IZMJENE

Cilj predložene izmjene je:

- usklađivanje Zakona o pozorišnoj djelatnosti KS sa Zakonom o radu FBiH,
- osiguranje pravne sigurnosti zaposlenih umjetnika,
- jačanje stabilnosti umjetničkih ansambala,
- očuvanje profesionalnog dostojanstva umjetnika,
- stvaranje modernog i evropski usklađenog pravnog okvira za rad javnih pozorišnih institucija.

- 5.3. Upravni odbor jednoglasno donosi Zaključak kojim se upućuje Inicijativa za izmjenu Zakona o pozorišnoj djelatnosti.

6. Razmatranje Odluke o imenovanju Umjetničkog savjeta JU NPS

U okviru ove tačke dnevnog reda razmatrana je izmjena saziva Umjetničkog savjeta Narodnog pozorišta Sarajevo.

Za novi saziv Umjetničkog savjeta predloženi su sljedeći članovi: Albina Huskić, član ansambla baleta I u Organizacionoj jedinici Balet; Sanela Pepeljak, glumica I u Organizacionoj jedinici Drama; te Tanja Smajić, pedagog baleta, Katarina Kikić, solistica Opere I grupe; Johannes Wildner, dirigent; te Jasmin Agić, pisac. Za predsjednicu Umjetničkog savjeta predložena je književnica Indira Kučuk Sorguč.

Nakon razmatranja, prisutni članovi Upravnog odbora usaglasili su se sa predloženim sastavom Umjetničkog savjeta.

7. Podnesci rukovodioca Službe sigurnosti, energetike i održavanja:

- **Predmet: Deficit uposlenika u Odjelu održavanja broj: 03-1665/26 od 13.03.2026. godine**
- **Predmet: Deficit uposlenika u Odjelu energetike broj: 03-1666/26 od 13.03.2026. godine**
- **Predmet: Hitan zahtjev za intervenciju i utvrđivanje odgovornosti – Klub bife NPS broj: 03-1869/26 od 19.03.2026. godine**
- **Predmet: Klub Narodnog pozorišta broj: 03-2021/26 od 26.03.2026. godine**

- Ervin Kudo Voditelj odjela sigurnosti, energetike i održavanja u prva dva navedena Podneska: Predmet- Deficit uposlenika u Odjelu održavanja broj: 03-1665/26 od 13.03.2026. godine i Predmet: Deficit uposlenika u Odjelu energetike broj: 03-1666/26 od 13.03.2026. godine obratio se u vezi sa deficitom uposlenika u Organizacionoj jedinici Tehnika, i to u Odjelu održavanja: higijeničarke te u odjelu Energetike: energetičar.

Trenutno su uposlene 4 higijeničarke koje održavaju kompletnu zgradu Narodnog pozorišta kao i objekat koji se nalazi u ulici Terezije bb, te smatra da bi se trebalo angažovati više higijeničarki da bi se stekli osnovni uslovi za rad. Prema sistematizaciji radnih mjesta služba treba da broji 12 higijeničarki. Također, radnik Robert Šokić na radnom mjestu energetičar otišao je u prijevremenu penziju što je rezultiralo upražnjenim radnim mjestom koje je bitno u realizaciji produkcije Narodnog pozorišta, a ujedno utiče i na sam rad uposlenih.

7.1. Upravni odbor jednoglasno donosi Zaključak kojim se nalaže direktoru da putem pravne službe urgentno uputi Zahtjev resornom ministarstvu za popunu radnih mjesta za kojim je ukazana potreba.

Ervin Kudo Voditelj odjela sigurnosti, energetike i održavanja, obraća se sa zahtjevom da se utvrdi pravni status Kluba Bife NPS, da se definišu nadležnosti i odgovornosti, radi nepoštivanja kućnog reda tj. Kršenja zakona o zabrani pušenja u prostorijama Kluba Bife NPS, te radi rada kluba iza 23 sata, koje nije primjereno, te remeti rad vatrogasaca i redovno obavljanje radnih dužnosti, a koji je u funkciji primanja ispraćanja gostiju.

7.2. Upravni odbor traži od v.d. direktora da provjeri navode iz ovih Predmeta.

8. Tekuća pitanja

Pod tekućim pitanjima, a u vezi sa zaprimljenim anonimnim prijavama koje ukazuju na moguće nepravilnosti u radu, Upravni odbor donosi sljedeću preporuku:

Upravni odbor JU Narodno pozorište Sarajevo, polazeći od obaveze zakonitog, odgovornog i transparentnog upravljanja javnom ustanovom, podsjeća da su direktor i lica sa rukovodećim pozicijama dužni obavljati svoje dužnosti u skladu sa principima integriteta, nepristrasnosti i zaštite javnog interesa.

Direktor i rukovodioci dužni su, u skladu sa odredbama Zakona o prevenciji i suzbijanju korupcije u Kantonu Sarajevo, izbjegavati svaku situaciju koja može predstavljati stvarni ili potencijalni sukob interesa, te osigurati da njihovo postojanje i odlučivanje bude oslobođeno ličnih, porodičnih ili drugih privatnih interesa

U slučaju postojanja okolnosti koje mogu ukazivati na sukob interesa ili povezanost sa licima koja mogu biti predmet odlučivanja ili postupanja, direktor i rukovodioci dužni su bez odlaganja prijaviti takve okolnosti nadležnom organu, te se izuzeti iz postupanja u konkretnom predmetu, u skladu sa važećim propisima.

Ovom preporukom Upravni odbor ukazuje na obavezu dosljedne primjene propisa koji uređuju prevenciju i suzbijanje korupcije, s ciljem zaštite zakonitosti rada ustanove, jačanja institucionalnog integriteta i očuvanja javnog povjerenja.

Sjednica održana u Biblioteci
Trajanje sjednice: 09:30h-12,00

predsjednica Upravnog odbora

IRMA LIĆ

Dostaviti:

- članovi Upravnog odbora
- Ministarstvo kulture i sporta Kantona Sarajevo
- Pravna i kadrovska služba, web.nps.ba i a/a